

Landesbibliothek Oldenburg

Digitalisierung von Drucken

**Dissertatio Inavgvralis Medica Sistens Paradoxa Medica
Secvli XVIII. Paene Affecti**

Langenbeck, Conrad Johann Martin

Ienae, 1798

VD18 12442488

Vorwort

urn:nbn:de:gbv:45:1-8175

PRAEFATUM.

Seculum XVIII. quo viuimus, paene affectum et consummatum est, funestissimi belli strepitu, hominum caede ac clade flebili, populorum rapinis et praedationibus, terrarum vastationibus, rerum nouarum studio, opinio-
num commentis, internecino regum nobiliumque odio, rerum publicarum excidio, aliarum conuersione, noua-
rum fundatione, iuris gentium recepti, legum auctorarum
auctoritatisque regalis abolitione, ciuibus longe tristissi-
mum, postgenitis in aeum memorabile. Populis aliis
data est libertas, fraternitas et aequalitas, aliis libertas
in perpetuum erepta, seruitus redditia, etiam commendata
impensis humanitas, scripta sunt iura hominum noua,
deleta priuilegia, redditia et resumta aurea poetarum se-
cula. Ecquid nobis maius et praestabilius ad veram feli-
citatem stabiliendam et firmandam superorum voluntate
dari porrigitque poterat? Credimus dictis, assentimus

A

Specio-



speciosis et probabilibus argumentis, fallimur callidis
verborum lenociniis, quaerimus noua bona, perdimus
vetera, sed bene parta cupiditate habendi: Accidit nobis,
quod cani in fabula. Redit nouus rerum et opinionum
ordo: Taxit deus feliciter! Iurgia iactant eruditi, nouas
cogitandi, credendi viuendique regulas scribunt, aliter
sentientes alto spernunt supercilios, lucem tenebris obii-
ciunt, inuitis obtrudunt. Vtinam lux oblata semper be-
nigna sit, vitae beatae apta, iniquitate sceleribusque li-
bera!

Neque vero medici torpent ac dormiunt, cum talis
tantaque lux vniuerso mundo affulgeat. Facti sunt in-
telligentiores et perspicaciores scilicet! Posito praeiudi-
cio, spretis maiorum patrumque opinionibus, vtuntur
libertate sentiendi, docendi et scribendi reddit, more
theologorum missos faciunt libros symbolicos, quos
scripsit antiquitas, rumpunt vincula, excutiunt iuga im-
posita, sibi sapiunt, sibi plaudunt scilicet. Haec demum
est vera libertas, sub finem seculi reuocata et omnibus
restituta! Non pendamus amplius ab ore magistrorum
vetera somnia et deliria profentium, nullius auctoritati
ad surgimus, neminem vereamur: Non datur codex do-
ctrinae medicae omnibus scriptus seculis. Scribit huma-
no corpori leges secundum affinitatem et misturam che-
micas,



micus, appellat alius organismum, alius vim nervorum
et vitae, negat iterum alius, reicit et damnat pathologus
nouus vetera nomina, materiam peccantem, acrimoniam,
errorem, metafasin, crism et ipsa naturae molimina:
Absurda sunt somnia illicet! Redit ergo nouus caussarum
morbificarum et ipsius medicinae ordo, noua traditur
pathologia sub auctore BRVNONE atque ad seclis strenuis,
WEIKARDO, FRANK, RÖSCHLAVB cet. Iam facilima pra-
xis est, adstricta quasique alligata soli debilitati directae
et indirectae, methodus ergo medendi iuventa in perpe-
tuum est certissima. Morbi sunt sthenici et asthenici,
ergo remedia sine labore multo in promptuunt. Denta
caligine, reddita caecis medicis post multos variosque
errores vera curandi ratio est, sed etiam data multiplex
rixandi disputandique materia. Quid ergo mirum, si
ego, ad metam artis medicae delatus, dubius haeream,
ut HERCVLES in biuio positus, et anceps nesciam, quid in
medicina theoretica certum sit, quid in practica sequen-
dum et adhibendum esse videatur? Acriter disceptant
medici veterani, et adhuc sub iudice lis est. Liceat ergo
mihi, summos in medicina utraque honores ambienti,
ex instituto maiorum eligere materiam et viribus, et
tempori aptam, liceat scribere *paradoxa medica*, eoque
nomine comprehendere, quae nuper in medicina noue
dicta et scripta sunt, aliis plaudentibus, aliis refraganti-



bus et confutantibus. Certe mihi haec videntur ita esse comparata, vt, vtra in parte sit veritas, nondum definire possimus. Insunt multa, quae probabiliter et ingeniose dicta censeas, vera et omni exceptione maiora minime.

I. *ORGANVM ANIMI.*

Peruetus est philosophorum dissensio et varia disputatio, dentur animi hominum, nec ne, materiae expertes et immortales sint, an fluxi et cum morte corporis perituri, et quot capita, tot opinionum commenta litteris prodita sunt. **SOCRATES** in Phaedone probabilem esse animorum perennitatem statuit, perhorreicendum videri interitum. **Recreat CATONEM** *) senem cogitatio immortalitatis, neque persuasionem suauissimam animos hominum immortales esse sibi extorqueri a philosophis voluit. Inest cuique bono talis futuri praefensio, quae hominem sperare post fata iubet praemia vitae bene actae sceleribusque purae. At vero non defuerunt inde a prisca aetate philosophi et medici, qui animum nec simplicem esse, sed materiae participem, eum ergo cum corporis morte extingui et interire posse contenderent, vñ argumentis speciosis et

pro-
*) Cic. De Senect. c. 23.

